

## পবিত্র কোরআনের অপব্যাক্যকারী দেব

### নারায়ণের বিরুদ্ধে গ্রেফতারী পরোয়ানা

স্টাফ রিপোর্টার

পবিত্র কোরআন শরীফের অপব্যাক্য্য করে মুসলমানদের ধর্মীয় বিশ্বাস ও অনুভূতিতে আঘাত দেয়ার অভিযোগে দায়ের হওয়া মামলায় বিশ্ব শান্তি কাউন্সিলের সভাপতি দেব নারায়ণ মহেশ্বরের বিরুদ্ধে গ্রেফতারী পরোয়ানা জারি করেছেন আদালত। আদালতে হাজিরের জন্য সমন পাওয়ার পরও আদালতে হাজির না হওয়ায় গতকাল (সোমবার) ঢাকার মহানগর হাকিম মেহেদী হাসান তালুকদার এই আদেশ দেন।

বাদী তার মামলার আরজিতে উল্লেখ করেন, অভিযুক্ত দেবনারায়ণ মহেশ্বর বাংলাদেশের ধর্মপ্রাণ মুসলমান ও খ্রিস্টান ধর্মাবলম্বীদের মধ্যে জাতিগত বিদ্বেষ সৃষ্টির উদ্দেশ্যে হাইকোর্টে গত ১ আগস্ট একটি রীট পিটিশন দায়ের করেন। এই রীট পিটিশনে ধুরন্ধর অভিযুক্ত পবিত্র কোরআন, তৌরাত এবং ইঞ্জিল শরীফের অপব্যাক্য্য করেন। কোরআন শরীফের সূরা মায়েদা-এর ৬৬ ও ৬৮ নম্বর আয়াত এবং সূরা আসসাফ্যাত এবং ৯৯-১১৩ নম্বর আয়াতের সুস্পষ্ট অপব্যাক্য্য করেন এবং তৌরাত ও ইঞ্জিল শরীফের বিকৃত ব্যাক্য্যার ভিত্তিতে অভিযুক্ত দাবী করেন যে, হযরত ইব্রাহীম (আ.) ইসমাইলকে নয় ইসহাককে কোরবানী দিতে চেয়েছিলেন। অভিযুক্ত মাদ্রাসা শিক্ষা বোর্ডের বই এ সম্পর্কে ভুল পাঠ সন্নিবেশ করা হয়েছে বলে এসব ভুলের সংশোধনী দাবী করে মুসলমানদের ধর্মীয় অনুভূতিতে আঘাত দিয়েছেন বলে মামলায় উল্লেখ করা হয়। বাদীপক্ষে মামলা পরিচালনা করেন এডভোকেট পি কে আব্দুর রব।